

# Txirritola

ARAMAIO / Barikua / 2002ko azaroaren 29a / 48. zenbakia


KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Datorren urteko zergen igoera erabaki du oraingo astean udalbatzarrak

UBANE MADERA

Osoko bilkura egin du oraingo astean udalbatzarrak. Landutako gaien artean, herritarrek ordaindu beharreko zergen prezioen aldaketa aztertu zuten zinegotziek: esate baterako, zaborraren tasak ordaintzeko sistemak aldaketa dezente izango ditu.

Hain zuzen ere, zaborren tasetan gertatuko da aldaketarik nabarmenena. Kontua da Aramaioko Udalak Gorbeia Partzuergoarekin bat egin duela zaborrak jasotzeko orduan. Horren ondorioz, datorren urtetik aurrera, Partzuergo horren irizpideak erabiliko dituzte Aramaioko zaborraren gaineko zergak kobratzeko. Horren arabera, sailkapen berria ezarriko dute: etxebizitzek, lokal profesionalek, komertzioek, zerbitzu lokalek, ostalaritzak (txokoei eta sardexka bateko eta tenedore biko jatetxeek, tabernek eta baserri turismoek), kirol etxeek eta industriak, bakoitzak dagokion zerga ordaindu beharko du. Etxebizitzek dagokien zerga, adibidez, datorren urtean, jaitsi egingo da zaborraren gai-



Zaborra batzeko elkarteen aldaketaren ondorioz, zaborraren gaineko zerga ere aldatuko da 2003an.

neko zerga.

Ibilgailuei dagokienez, 1.38ko koefizientea ezarriko du Udalak. Horrek esan gura du zerga igo-

gingo dela, baina gutxi.

Ura, berriz, %10 igoko da; eta estolderia tasa, %4. Azken horri dagokionez, Udalaren asmoa da

tasa hori ordaintzen ez dutenei Udalak ez garbitzea euren hobi septikoa. Hilerraren tasa ere %4 igoko da 2003an. Ondasun Higie-

*Aurten ez dute erabili Kontsumo Prezioen Indizea zergen igoera erabakitzeko*

zinei dagokienez, berriz, hiri lurrarengatik %0,34 ordaindu beharko da (orain, % 0,32 da) eta landa lurrarengatik, %0,6 (orain 0,5 da).

Bestalde, eraikuntza, instalazio eta obra zergei dagokienez, oin berrikoengatik %4,5 kobratuko du Udalak (0,5 gehiago) eta berri-tze lanengatik, %3,5 (0,5 gehiago).

### KPI BAINO EGOKIAGO

Orain, zergen igoera hori jendaurrean izango da hilabetez, interesa duenarentako. Aitor Leturiondo udal idazkariak adierazi digunez, bestetan, KPren (Kontsumo Prezioen Indizea) igoeraren arabera izaten da Aramaioko zergen igoera. Aurten, aldiz, legearen arabera egin dute. Aitor Leturiondoren esanetan, "modu egokiagoa da".

## HERRITARREN HITZA / Asier Agirre • AHT Gelditu! Elkarlana taldeko kidea

### Gure lurra

Lurrari eta ingurumenari egiten zaion erasoaren barruan arduradun asko daude. Alde batetik botere politiko eta ekonomiko mundialak daude; euren uraniozko bonbak, zentral nuklearrak, bonba atomikoak, gerrako armamentua... hondakin kimikoak sortuz.

Beste aldetik, botere politikoek egiten dituzten analisi okerrak direla-eta, gaur egungo azpiegiturak handitzearen nahiaren menpe, autopista eta autobide suntsitzailak, AHTren proiektu zentzugabea... egiten dituzte; eta jauntxo horiek konturatu beharko lirateke

egiten ari diren suntsiketari ezin dela atzera bota.

Lehenengo batean, telebistari begira nengoela, Álvaro Amann sailburua agertu zen hiriburuetako tranbia berrien inguruan hitz egiten. Berritzaileak eta garbiak direla esanez, trafikoa ikaragarri kenduko zutela, kalte ekologiko bat ere ez zutela egingo, ea. Esan zuen kolore berdez margotuko zituztela, ekologiar dioten errespetuaren eredu.



Zentzua erabiliz, bestelako mundua lortu dezakegu

Nik galdera bat botako nioke jaun horri: ea AHT zein koloreekin margotuko duen, haren eragina ikaragarria izango baita.

Gero, bestalde, guk egunero egiten ditugun kalteak ere badira; Lehenengo Munduan bizi garela deritzogunok gure egunerokotasunean egiten ditugunak:

automobilak erabili, askotan beharrik ez dagoenean; argindarraren kontsumo neurrigabea, argindar hori zentral nukleare-

tatik datorrela jakinda; kontsumitzen dugun janari asko (produktu transgenikoak, abeltegietan lantegietan moduan gizentzen dituzten animaliak); zaborrak edukiontzietara botatzen ditugu, nora doazen galdetu gabe. Agian asko itsasora botako ditugu, Galizian utzi dugun itsasontzia moduan, edo Hirugarren Mundura bidaliko dugu, hor zerbait jateko aurkitu dezaten pobreek.

Hori guztia ikusita, erokeria horren amaiera eta gure zentzua erabiliz bestelako mundua lortu dezakegulakoan nago; baina bere neurrian onartu ditzala bere eginbeharrak.

## LABUR

### Aurten, gripearen kontrako txerto gehiago

Iaz baino gripearen kontrako txerto gehiago ipini dituzte aurten Aramaion. Herriko anbulatoriotik jakinarazi digutenez, iaz, 195 txerto ipini zituzten, eta aurten, 223; hartu beharrra dutenen %92,89k hartu dute. Adierazi digutenez, urtero igotzen da apur bat ipintzen txerto kopurua, herritarrek geroago eta kontzientziazio handiagoa dute-eta. Aste gehiago, aurten, derrigorrezkoa zutenez gain, bestelakoak ere joan dira gripearen kontrako txertoa ipintzera.

## HIRIGINTZA

Etxebizitzak  
egingo dituzte  
Nadeagan

Beharrezkoak diren udal bai-  
menak eskuratu eta gero, etxe-  
bizitzak egingo dituzte Ibarra  
auzoko Nardeaga kalean. Hain  
zuzen ere, oraingo asteko osoko  
bilkurak landu du gai hori; etxe-  
bizitza horiek eraiki ahal izate-  
ko legeak ezartzen dituen egin-  
beharrak zehazteko, hain zuzen.

Promociones Aramaixo ize-  
neko enpresa arduratuko da erai-  
kuntza lanetaz. Enpresa horret-  
ako kide den Javier Osak adie-  
razi digunez, asmoa da sei  
etxebizitza eraikitzea. Urte hasie-  
ran hasteko asmoa dute eraiki-  
tzen eta urte eta erdi eskasean jar-  
dunگو dute horretan, beti ere  
aurrez ikusitakoaren arabera.

Aurrera begira, berriz, etxe-  
bizitza gehiago eraikitzeko asmoa  
dutela jakinarazi digu Javier  
Osak. Baina, haren esanetan,  
etxeak eraiki ahal izateko lurra  
lortu behar dute lehenengo. Eta  
hori da zailena.

Promociones Aramaixo  
enpresak lehenagotik ere eraiki  
izan ditu etxebizitzak Aramaion.  
Hirubietan, adibidez, eta baita  
Ibarran bertan ere.

## KIROLA

Datorren urteko  
federatu  
txartelak egiteko  
epea: abenduaren  
12a baino lehen

Orixol Mendi Elkarteak ekin dio  
2003rako federatu txartelak egi-  
teari. Txirritola aldizkariari jaki-  
narazitakoaren arabera, Euskal  
Federazioko zein Espainiako  
Federazioko txartelak egiten  
dituzte, baita, Pirinio frantsese-  
ra edo mundu osora joateko  
behar direnak ere; eta eskia egi-  
teko, espedizioetarako edo men-  
diko bizikletan ibiltzeko behar  
direnak ere bai. Horrekin bate-  
ra, Orixol elkartearen beraren  
bazkide egiteko epea ere zabal-  
du dute. Hain justu ere, aben-  
duaren 12a artekoa izango da  
federatzeko zein Orixoleko baz-  
kide egiteko epea. Interesdunak  
Euskadiko Kutxak Aramaion duen  
bulegora joan beharko dira kuota  
ordaintzera, aipatutako epea bai-  
no lehen. Horrekin batera, Orixo-  
lek jakinarazi digu joan den urte-  
an apuntatutako bazkideei zein  
federatuei 2003ko kuota kobratu-  
ko dizkietela, eurek abenduaren  
12a baino lehen kontraktorik ez  
badute esaten, behintzat.



MIKEL BERGARA

Eskia egiteko federatu txartela ere lor daiteke Orixol Mendi Elkartearen.

## KUOTEN ZENBATEKOA

Hain zuzen ere, Orixol Mendi  
Elkarteko bazkide izan gura due-  
nak bederatzi euro ordaindu  
beharko ditu; lau euro eta erdi,  
haurra edo ikaslea izanez gero.

Federatu txarteleei dagokie-  
nez, berriz, mota bakoitzak pre-  
zio bat izango du. Horrela, adibi-  
dez, txartel arruntak 15,90 euro

balioko du, 13 urtetik beherako-  
enako; 20,10 euro 14-17 urte arte-  
koendako eta 62,60 euro 18-64 urte  
artekoendako. Frantziako Piri-  
nioetarako txartelak, bestalde,  
11,72 euro balioko du; mundu oso-  
koak, 29,72 euro; espedizioak egi-  
tekoak, 275 euro, eskiatzekoak,  
10,50 eta, azkenik, bizikletan ibil-  
tzeakoak, 6,95 euro.

## HIRIGINTZA



## Kulunka berriak herriko umeendako

Oraingo astean ipini dituzte Bañera parkean kulunka berriak.  
Astelenean iritsi ziren (hilak 25), eta kulunken gomazko  
zorua ipintzea besterik ez da falta. Hau da, umeek minik har-  
tu ez dezaten ipintzen duten zoru mota berezi hori. Baina zoru  
hori ipintzeko beharrezkoa da guztia siku-siku egotea, eta  
horren zain daude langileak. Edozelan ere, laster estreinatu  
ahal izango dituzte kulunka berriak Aramaio neska-muti-  
koek. Eta duda barik, gogoz hartuko dituzte, aspalditik dau-  
de-eta kulunka barik.

Manex Agirrek atzo jokatu  
zuen finala, Gasteizen

UBANE MADERA

Atzo iluntzean (eguna) jokatu  
zuten Gasteizko Sociedad  
Ciclista Vitoriana elkartearen  
Bagare izeneko bertso sarike-  
ta. Han izan zen, beste bost  
bertsolariren artean, Manex  
Agirre aramaioarra. Seion  
artearen bertsolari bakarra  
aterako da garaile.

Gasteiztarrak edo arabarrak  
diren bertsolariak, Gasteizen  
ikasten ari direnek eta kanpotik  
gonbidatutako batzuk hartu dute  
parte Bagare izeneko bertso sari-  
ketan, bertsolari gazteendako  
sariketan. Hain zuzen ere, atzo  
jokatu zuten finala, Gasteizen.  
Han izan ziren, aurrez aurre,  
Urko Egaña, Iñigo Eizagirre, Iña-  
ki Gurrutxaga, Ekaitz Goikoe-

txea, Julen Zulaika eta Manex  
Agirre bertsolari gazteak. Manex  
Agirre izan da, hain justu ere,  
lehiaketako finalera iritsi den  
arabar bakarra.

Besteak beste, honako arike-  
tak egin behar zituzten bertsolari  
gazteek: ariketa berezi moduan,  
agurra egiteko orduan, epaima-  
haiak emandako doinuari letra  
ipini behar zioten. Gero, letra  
horrez gain, bertsolariak zela kan-  
tatu duten ere baloratu behar zuten  
epai mahaiaik; hau da, neurrria zela  
sartu, erritmoa... hori izan da,  
hain zuzen ere, lehiaketako berri-  
tasunetako bat. Horrekin batera,  
ohiko ariketak ere egin behar izan  
zituzten bertsolariak.

Edozelan ere, artikulu hau  
idazterakoan lehiaketa egin barik  
zegoenez, ez dugu jakiterik zein-  
ek irabazi duen.

## TELEFONO JAKINGARRIAK

## OSASUNA / LARRIALDIAK

Ogasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gornia (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuiko Eskualdea	945 43 01 67
Suhiltzaileak (Zubillaga)	943 78 28 00

## AUTOBUS ORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	
GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoan duten orduetan eskaeraren  
arabera zerbitzua eskaintzen dute.  
Auzoetako bizilagunei zuzendutakoa da, eta  
autobusa erabili gura badute, bezperan deitu  
beharko dute hohako zenbaki honetara:  
629 54 59 23

## OHARRAK

## BERRIRO ERE IRABAZLE

Bide ezin hobetik segitzen  
dute Bañerako areto futbole-  
ko taldeek. Gazte mailako  
taldeak, adibidez, Urgatzi  
taldearen kontra jokatu  
zuen, zapatuan (hilak 23), eta  
7-2 irabazi zion. Bihar,  
zapatua, dute hurrengo  
hitzordua, Izarran,  
11:00etan, Izarra Gorriren  
kontra. Kadeteek ere  
garaipen ikusgarria eskura-  
tu zuten, Izarrako Lan eta  
Jolasen kontra: 14-0. Bihar,  
berriz, El Campillo izango  
dute aurrez aurre, El  
Campillon, 11:00etan. Eta  
neskak izan ziren zoritxarre-  
koak. Euren fitxekin arazoa  
izan zuten eta lagun arteko  
partidua besterik ez zuten  
jokatu. Gainera, datozen bi  
asteotan ez dute beste  
partidurik izango.

## ZINEA

Spirit filma emango dute.  
Betiko moduan, kultura  
etxean, 17:00etan.

## SAN MARTINEKO ZOZKETA

Bigarren eta hirugarren  
sariari jabeak agertu dira; ez,  
ordea, txerriaren jabea.  
Hortaz, ondo begiratu  
poltsikoetan ea 1.271 zenba-  
kia agertzen den.